



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

Parisiis, 1644

XXIX. Epistola Valentini Episcopi Philippopolis Ad Leonem Imperatorem.
Per omnia piißimo & Christianissimo imperatori, triumphatori & Augusto
Leoni, humilis Valentinus in Domino æternam salutem.

urn:nbn:de:hbz:466:1-14887

EPISTOLA
VALENTINI EPISCOPI
PHILIPPOPOLIS
AD LEONEM IMPERATOREM.

*Per omnia piissimo & Christianissimo imperatori, triumphatori
& Augusto Leoni, humilis Valentinus in Domino
aeternam salutem.*

CVM & ante imperium virtutibus regnauerit Christianissima vestra tranquillitas, & in imperio supra purpuras & diadema fidei rectitudine decoratur & coronatur. Nam compensationem iustitiæ potius quam donum a Christo regalia sceptris percipientes, compensationem rursus Deo redditis, vestrum imperium conferuanti, dum incessabiliter cogitatis, quatenus securam ab omni hæretica tempestate ecclesiam eius & sine fluctuatione seruetis. Quemadmodum gentium bella amantium superbas cogitationes ad terram deponere festinastis, ita & prauos sensus hæreticorum aduersus Christum latrantium, velut puluerem exufflantes, ad nihilum vsque perducetis, & secundum vocabulum vestrum, inimicis quidem Dei & vestri imperii, tamquam leo sæuus, occurritis: circa eos autem qui pie Deum colunt, & imperii vestri sceptris obediunt, ouium pastoris imitatores & oves simpliciores existitis. Igitur pro ecclesiastica pace & salute filiorum ecclesie multam prouidentiam pietas vestra gerens, sacratissimis suis syllabis adorandisque sanciuit, vt mea paruitas sanctissimos prouinciæ episcopos in vnum colligens, quæ humilitati nostræ placerent, & regulis conuenirent, & fidei rectæ congruerent, indicaremus vestræ Christianitatis imperio: maxime autem de crudelibus malignisque rebus, & omnis tragediæ narratione maioribus, quæ nuper Alexandriae prouenerunt, simul & de Calchedonenſi sancto magnoque & vniuersali gratia Christi celebrato Concilio: cuius termini non ex nobis, sed gratia sancti Spiritus sunt confixi, nihil metuentes, neque pro gratia vel inimicitii decernentes, sed Dei solummodo iudicium iniudicabile formidantes, ad notitiam vestræ Christianissimæ

tranquillitatis referre deberemus. Quapropter & in vnum nosque simul & nostri clerici congregati, habentes timorem Dei præ oculis, sub ea quæ a vestra sunt pietate sancita, suggerimus vestræ tranquillitati, quoniam & vnitatem colimus, & iniquorum communionem abominamur, & sanctorum patrum Concilia complectimur, & ea quæ ab eis sunt definita atque decreta, custodire intransgressibiliter exoramus. Timotheum vero qui totius malitiæ culmen excedit, & inhumanitatis crudelitatem transcendit, homicidam, patrisque necatorem, qui episcopo superstite ecclesiam eius adulteravit, & sponsum eius occidit, & tyrannico modo & impudenter semetipsum in sedem eius imposuit, sicut preces oblata tranquillitati vestræ declararunt, non oportere neque inter viuos examinari, palam est: nunquam dignitate pontificatus indui, & in sancto altari stare, & diuinitati ministrare credendus est. Quid etiam dicamus de populo indiscreto, qui ab eo ad impietatem armatus est, & amplius quam eorum fluuius inundauit iniquitatibus, malitiæ turre ultra Pharum, qui apud eos excellenter accenditur, & vsque ad cælos flammæ impietatis extendit? Victoriæ dicam iudicans hanc esse, ad comparationem aliarum rerum, quæ ab eo sine timore commissæ sunt, qui etiam vnam naturam negantes, cuncta ferocitate vestiti sunt. De sancto vero & vniuersali Calchedonenſi Concilio, cuius princeps non homo, sed Christus, qui est super omnia Deus & rex æternus, deinde pastores totius orbis extitere doctores, præsentibus eis & sacratissimo vestro senatu, & culmine eminentium potestatum, & diuæ memoriæ ter beato principe Marciano, omnibus obſignantibus hanc esse pietatis viam, patrumque fidem impollutam & immutabilem, sanctorumque apostolorum doctrinam in nullo mutatam, neque discordantem expositæ fidei a sanctis patribus in Nicæno Concilio congregatis: cum vtique ea doceat simul & alliget, & aperte ab omni hæretica nos secta discernat. In hac ergo perduramus; hanc tenemus, & ea quæ in ea sunt explanata, intransgressibiliter obseruamus, omnemque hæreticam prauitatem abominamur; Deo semper hymnos pacificos exoluentes, qui nobis custodem rectæ fidei vestram potentiam condonauit.

Valentinus episcopus Philippopolitanae metropolis sanctissimae ecclesiae, manu mea subscribens, his quae sunt supra scripta, consentio.

Epiſcterus episcopus Diocletianopolis, similiter.
Et reliqui similiter.

XXX.

EPISTOLA SEBASTIANI EPISCOPI

AD LEONEM IMPERATOREM.

Post Deum domino totius orbis piissimo & Christianissimo nostro principi Leoni, in Domino salutem, humilis & ultimus Sebastianus episcopus.

TVVM quidem, piissime imperator, laudabilem & gloriosissimum inter homines principatum omnium Dominus Christus quotidianis diebus bonis incrementis maximum splendidissimumque demonstrat, & de cetero demonstrabit, hoc semper efficiens propter fidem rectam quae ab infantia est vobis inserta, & propter reuerentiam quam diuinitati salubriter exhibetis. Quod autem supplicamus, sacratissime imperator, illud est, ne patiamini illius venerabilis & inter sanctos habitatis maximi viri Marciani tanti talisque principis post mortem opinionem nunc a culicibus lacerari, neque tuum ita praecipuum, & ultra gloriam constitutum imperium contemptibile illudere volentibus ostendatis: sed veritatis experimentum sumant stulti, scientes quia terribile est incidere in manus Dei viui.

Hebr. 10. Hoc autem in ordine primo piissime nosse supplicamus, quia sicut Soli ad demonstrandum quia Sol est, nihil minus est; ita illi magno sanctoque & vniuersali Calchedonensi Concilio, bonorum quidem omnino nihil deest: neque enim eget augmento, neque detractio, cum sit a sancto Spiritu velut diuino quodam sale conditum. Nam qui in eo illo tempore condemnati, & indigni pontificali statu esse decreti sunt, sententia hoc magni Dei tamquam impii pertulerunt. Qui vero suscepti sunt, velut iniustam & tyrannicam circumuentionem paruo tempore sustinentes, repente decreto sancti Spiritus iuste suscepti sunt: inter quos nostrorum temporum secundus Abel beatus Flavianus existit. Tanti siquidem & talis probatique Concilii amplectere